

泊

鷗

山

房

集

泊鷗山房集卷二十七

會稽 陶元藻 鳧亭

詩十三

萬石巖

塊壘呈海濱奇狀非一類點頭固有靈呼丈亦何媿琳
宮嵌嵯峨一逕入幽邃欵崎歷落多我醉石已醉風懦
雲嬾行日夕山欲睡木末寺樓高微吟生寒翠

虎溪巖

忽聞虎溪名疑向匡廬眺愧我非徵君詎逢達公笑斷
崖補僧居領秀得要妙幽竹陰森生乳溜滴懸竅中有

長明燈翠壁色照耀雲盤護佛幢花映煮茶銚經秋眼
若明對石句亦峭那得買山錢割此海中嶠

白鹿洞

逶迤驚門山曳屐歷奇變石骨排天青雲端象獅戰雕
鍛神鬼工玉切雲可片元化入虛無心憐目亦眩將奔
勢復迴欲墮根尙戀晦明兩難分漏日僅容線已窮搜
抉心復開蒼翠面巖嶂與軒楹參錯相隱見半椽香積
廚十笏彌勒殿陰崖洩乳泉老樹坐海燕空谷人語靈
風至冷然善

蘇溪阻雨

蘇溪邨外碾輕雷須刻詩成被雨催世路石頭原是滑
浮生行脚幾時回尋常運米擔柴事底事拖泥帶水來
此住無因亦無想任他簷溜濺深杯

題黃克晦畫

螺山山人黃克晦烘染生綃技無對尺幅蟲穿二百年
神完那怕煙雲碎夾葉梗楠劈斧山紛青劍潑孤篷內
長江浩浩波有聲歌嘯魚龍走靈怪學畫功成又學詩
南金望重昭前代畢竟山人畫勝詩蒼茫眼底荆關在

題青山廟

長鯨跋浪侵我疆捐軀殺賊忠堂堂珠旒玉帶神飛揚

龍蛇古屋撐高岡遷基有年迭有主螺陽回首烟蒼蒼
居民不識崔令尹行路爭說青山王村翁伏臘走千載
占年雞卜紛若狂嗚嗚蠻管淵淵鼓老巫歌祝迎神舞
采石曾歸畫旆雲銅牌長掩青山土

重宿開元寺

琉璃法界紫雲屏丈手僧迎舊客星余鬢已增前度白
佛頭未改昔年青難辭塵海勞行役重到空門辨性靈
千步廻廊杳噴寂月華如水灑中庭

莘田招飲索詩爰題截句

黃公爐畔酒波深幾度看花擊鉢吟誰識西崑三十六

半齋香草雨中尋

荷庵二首

籬門深閉小琳宮，僧在山光水色中。
除卻石橋應更好，一絲不挂見真空。

海雲凝碧鷺門秋，幾點寒花照荻洲。
我與梵王同解脫，白玻璃內雨浮鷗。

太平舖阻雨

柴門臨澗道，四壁聽潺潺。
隔畎雲沈樹，連邨水蘸山。
僕夫嗟况瘁，魂夢惜閒關。
底事勾留久，人生增兩鬢斑。

過張襄惠祠

淨峯書屋迷荒荆燈篝翻照祠堂明讀書要得丈夫氣
羞與世俗文人爭張南翁北兩擘畫排雲赤手邊長城
書生自具大神勇馬平一掃攬捨清桓桓勲繼斷藤峽
至今箐峒猺獞驚貴溪剛愎猶可犯分宜勢僕誰能傾
求裏馬革終不得人疑眞屬琉球生

寄故園同學諸子

衰鬢風吹雪影殘賣文詎惜路漫漫故人若問遊閑跡

三載丹鉛在四安

謂惠安詔安同南安也

莆田道中

清和天氣我徂東蘭水壠山帽影中百畝遠風交不斷

綠榕陰底水車紅

南普陀

海氣日圓峰秋生綠蘿逕誰開驚岳奇爭據洛伽勝崇
闕大覺場龍象呼可應彈指百年閒浮雲同一瞬陵谷
仍高深旃檀變衰盛丹蘞落經臺苔蘚上佛脰惟餘太
古泉泠泠發清聽

九日山

結習在巖阿城市苦束縛人影過邨墟煙風翠相薄清
風吹我襟新霽日色弱陰巖泉脈蘇閃閃盪雲腳老樹
不成林三兩見標格岡原本無靈名譽欣所託姜相與

秦君巾鳥雙寂寞悠悠千載餘來者孰能樂頽垣山鬼
扳壞道牧暨削登臨會良辰幽蘊感崖崿

過九龍嶺

松磴縈衣帶天風落海濤夕陽人語少疊嶂馬蹄高澗
水衝花怯榕根絡石牢夜來鄉國夢應惜路周遭

雲霄

地名在漳州

書劍依天末雲霄入望中寒塘飛獨鳥古壘貫晴虹雨
足山農逸時清野戍空迷濛煙樹裏輕颺酒旗風

遊九侯山

巨斧劈天門仙靈結構存平柯隔鳥坐側石讓泉奔磴

白千盤細峯青九點尊生憐阮孚屐踏破古苔痕

食西施舌

海味盤餐美宮娥舌本長祇因身許國終古戀吳航

聞黃莘田計

閩南盛詩豪君學尤善變言情味獨長穎末工洗鍊樊
川禮瓣香丁卯亦時見古綆汲何修半職便遭譴挂官
無一錢索句有十硯少年歌鹿鳴頭白重興宴淒然敝
緼袍兀坐嘆藜莧凋盡子若孫老死那堪唁寒食冢草
青麥飯待誰薦聰明福不歸名士天所賤挂劙在何時
臨風泪如霰

五通渡

漭漭海潮廻浮舟指前路濃樹酒家邨雞豚走烟霧

贈延福寺僧

瓶鉢西來大覺林園蒲四佛坐巖陰溪光澹與寒僧近
草色青歸破寺深壁上句無疏筍氣佛前鐙有淨明心
看山樓好憑誰築思殺祇陀布地金

詔安道中

荔支紅顆正堪攀終日籃輿復磴閒瘴似木犀香鬱勃
人如黃鳥語繙蠻斜陽臨水經荒驛細雨盤陀出故關
臨水盤陀皆地名行到閩南天盡處七年重見粵中山

九日同羅棣亭葉近光劉景若莊允彰陳子超對

公遊大輪山梵天寺

餘酣漱芳瀾薄暮叩禪關古院花自落夕陽人未還秋聲疑渡海雲氣欲沈山記取巖前樹他年應再攀

題荷庵

煙水周遭淨土憑大光明界我初登數仞隙地蔬兼竹十笏閒房佛與僧過雨寒沙移舊跡隔牆秋嶂見高稜碧玻璃內天花影悟徹真空卽上乘

習靜渾如老學庵大榕陰底好清談狂吟敢詡父盈八
釐峯山長嚴桐峯掌科招飲同步月至前山仙井

易醉偏逢雅有三黃石仙踪尋濟北小山叢桂憶淮南
停輿忘卻言歸晚爲愛澄波月一潭

廿年未遂買山謀偶見林巒屐便畱休悵池臺非故國
須知名利盡浮鷗涼生嘲水渝漣夜人坐承天竹栢秋
著述前緣知未了莫教容易雪盈頭

遊清源山

出郭近青山山近人已遠突兀石摩雲檀欒竹緣坂要
窮梯棧高寧辭陟攀躋幽丁鐙照扉崇阜蓀在魄禽狎
息人機松涼健僧飯遯跡輸巢由曠懷抗嵇阮一脈清
源清對之發緇緜

福州守李衛郊南平令衛復山延平守傅見素俱
被議挂冠連江令王譁夫復以憂去未及二載
相繼分馳懷舊慚然爰成一律

晨星落落悵殊方江北江南思渺茫獷悍未能刀買犧
逋逃竟類路亡羊焚巢糜竹灰沈海攀樹舉魚淚滿裳
如此交遊相失盡不關離別已神傷

弔黃莘田明府

空庭鳥滿綠苔滋無復茶煙上鬢絲十硯賣完緣易米
一官罷去爲吟詩閉門每嘆文窮甚垂死尤憐鬼餒而
白髮涪翁今不見閩南風雅有誰支

題耕織圖爲陳韋占太守作

桃源風景幽岐俗苦逕柴門互相屬幾堆石骨螺黛青
一折溪流鴨頭綠畧衍長橫饁餉行倉庚乍斷鳴機續
田家麥熟兒催解還望嘉禾發新穎黃梅過雨四五朝
平野交風雨三頃祭虎壇遙社鼓低叱牛人早農衣冷
一犁耕破曉畦烟又見斜陽照鞭影則壤曾窺禹貢篇
塗泥未改揚州境簷楹結構林疎處中有雲鬟龍妝女
鹿眼籬邊軋軋聲棗花簾底喁喁語玉尺誰量蝶蝶衫
金梭先擲鴛鴦杼奪得天孫錦七襄分來鮫室冰千縷
屢豐年慶太平人扶纊加餐春復春安知園草尋芳戲

妬殺歌臺舞榭塵誰歟畫手真良工丹青意匠經營中
能驅千畝歸尺幅煙雲直與村墟通由來太守重民事
要觀蔀屋筐箱豐天應用爾作麴蘖補成粉米兼華蟲
索我長歌歌漫作天涯頓想田園樂浮生夢已醒黃粱
底事絲蠶自束縛香稻紅秔故國思黃雞白酒當年約
公孫布被晏嬰裘水北花南燠堪托桑柘陰中扶杖看
秧田綠到山陰郭

訪金車銅魚古蹟

愧乏高軒作賦才臨淵思築釣鰲臺無端砥柱凌波起
何處山根渡水來千載地形畱鑽鑰一篙春漲見濛洄

仙人灰劫金銅質不及中流石幾堆

咏紅橋板

笙簫樂奏釣天技幔亭秋月虹橋起凋零斷板臘山頭
賓宴曾孫長已矣束馬懸車不易求天風吹墮層雲裡
青嶂無波照鬢絲此橋何用仙何之此橋何用仙何之
君不見世上桑田變海時

遊鼓山二首

不辭老嬾手扶筇數里盤紆到此峯丹嶂斧深窺剝句
法堂雲黑有降龍松陰翠罨長明火僧唄清連欲斷鐘
翻怪當年多一喟靈未變卻舊來蹤

時聞春鳥語，轉瞬始覺禪房竹木幽。淨土談浮真舍利，
中峯勢壓小琉球。看松遲赴三年約，聽雨多增半日留。
如此烟霞滿邱壑，出山那得不回頭。

咏方竹

萬物好模稜，兩竿見圭角。相對欲忘形，標格頗不俗。
習涼風來凝香，度林薄圓者盈西軒。方者轉寂寞，幽人
起長吁。雷同苦難學，直道久不行。如何更嶽嶽。

弔黎獻來觀察

鷺島分岐馬首東，嶺雲灘月斷魚鴻憐。才意重雲霄上，
感舊悲深縹紗中。宦海有波驚噩夢，椒漿無路奠西風。

青衫濕盡平生淚倒屣何人繼蔡邕

謁范公祠

靈宮一逕入青松秋鶴春猿共此峯五月在官偏憤切
三年赴死轉從容未酬謝傅新亭志空抱蘇卿雪窖胸
幕府有魂應不散重尋鈴閣泣相逢

過靖海侯施公故第

畫戟三重照里閭澎湖猶憶誓師初樓船下海凌楊僕
寢殿鞭尸慟伍胥波悍鼈鼈驚出沒陣工蛇鳥善驅除
運籌辛苦姚官保輸與軍門報捷書

鼓山四首

一峯樸劣崩千佛聚莊嚴折逕遠難到清心老更添泉
聲帶喧寂松色舞濃纖舉首諸天界晴嵐擁翠簷
洗鉢過晚飯談元慰素期嬾雲眠石磴寒月凍牟尼魚
板響遙答幡幢影互移沈沈梵王殿不昧是琉璃

佛閣聽朝雨家僮報午晴庭花時一落巖鳥忽雙鳴豈
習蔬筍味自怡林壑情湧泉鄰喝水無減便無生
降龍傳往偈入定剩空巖寺久佛心古山青客眼饑樽
前走雲海樹杪出風帆坐此忘歸石斜陽又滿衫

過建寧祭練夫人墓

椒聊繁衍越山川淒絕香魂閩嶠邊隧道久成官舍路

漆鎧深隔繚垣烟孤城有義全民社荒塚無人挂紙錢
爲薦溪毛作寒食灘頭一駐客星船

三月三日作

乍晴天氣三月三老夫嬾似春眠蠶枕中有秘不肅讀
連朝殊少驚人談十字堆盤新炙美一旗展椀清泉甘
偶然拄杖出門視滿籠春漲浮深藍蘭亭回首亭山促
修竹煙凝永和綠昭陵玉匣紙已灰逸少流觴水猶曲
惠風和暢客他鄉修禊良辰許誰續花登九錫黃蜂騎
游絲冒徧垂楊條韶光草草等閒過那知一刻千金宵
風輪水輪多倚著惟余影頰孤零難買山無錢隱何處

盧蒲髮短空兜搢詩能窮人欲焚硯一笑又放聲調刀
踏青舊侶今何在裘馬輕肥聲百倍鵬程自歎終遠而
文戰何能再礪乃向平婚嫁了多時不走名山走塵海
船尾春鎧憶去年夢魂驚斷灘聲每

遊開化寺後院

夕陽明前岡返照湖上寺人影曳波心間隨水雲至徘徊
大覺場窮歷得幽邃小山天所藏舊圃僧自治齒齒
白石頭羅列有倫次一逕上孤亭目豁情亦豁攜壺厲
酒兵拂硯樹吟幟老樹盤高春濃陰覆清思相待荔支
丹殘牙爲君試

登九仙山

于山有仙人仙去跡已緬扶叻及良辰緣磴睇層巒
風從東來春服正清淺頽雲白自縈老樹翠可憐煙霞
爲我留蘿薜倩誰翦翛然城郭中稍喜塵事免詎必南
山南瑞草方可踐堂堂玉皇居朱旛倚霄展象教已無
門元言更難闡徒倚石壇高趺坐苔花軟理彼折足鐺
烹泉啜新芽

聞陳句山太常卒於京邸泣然有感

學海迴淵砥霜天厄閨楊一官京俸薄千里旅魂涼肝
膽誰真摯敦槃絕老蒼罷彈流水曲灑淚獨沾裳

咏史三首

百千童艸出函關詭說蓬壺藥滿山絕岳已成生聚計
秦人猶望海舟還

灰裘輕藉願昇平百二秦關忽漢京圯上一編焚不到
方知黃石勝書生

四皓何曾識子房有拋芝草入咸陽人間豈少鬚眉老
錯認商山誤趙王

金溪

平皋秋氣爽晚色空衣涼一艇隱寒蓼半溪明夕陽鷗
眠沙渚小虹貫海天長誰繼高賢躅吟聲過野塘

九侯山

襪被穿雲去，綠巖路幾盤。天門通日馭，澗道激風湍。
古石痕黑寺，荒僧影寒松。杉青不斷斷，閒佇石橋看。

候官嚴氏有園甚窄。泄臺竹樹無不備偶，題數韻
瑟縮古煙霞。鍊此林壑寥，會聞石似拳。始信室如斗，磴
斷橋尾聯崖豁。松根湊花間，側帽過巖底。移樽就竹木，
羅眉閒淺近彌幽。秀誰知半畝宮，瑣屑呈萬有芥子。納
須彌雲夢吞八九。

出城東納涼大樹下

粉堞西偏暑尚東，依然巾履綠陰中。渾疑消夏灣頭坐，

更得劉襄畫北風

偶題寓齋倣蘇東坡體

篁邨先生拙似鳩營巢三載無林投風雷可驅仙可致
世間只有金難求錢神不識文士面白髮易上羈人頭
苦道非歟吾計左春風重換臺江舵紅箋歲傍二千番
香荔日餐三百顆出門怕感笠車逢掩室憑呼馬牛我
借書一瓻還一瓻山畫顛迂竹老可漏添海水夜正長
敗絮衣衾共寒裏華胥夢裏到天闊又被鄰雞唱驚墮
有家學得無家禪濶海空天雲一朶

秋日泛舟梅溪

建溪瀉東濱一折便幽寂沈沈雲下潭簸簸艇穿荻廻
溜搜山根飛嚮響石壁朝曦無烈輝宿雨有餘滴三里
蜿蜒城人煙正暮歷

遊普賢寺

層巒鬱條喬多於大田稼連岡紛糾纏蒼翠接不暇日
月蔽西東升沈漏無罅廻颺振禽言側石讓客駕縮彼
遷佛場灰劫幾興謝瓣香溯貞明魚響猶未罷心空生
智珠石剗何足詫徒倚石橋寒煙蘿碧眉下閃閃雙淵
泉遙隨白雲瀉

再題普賢寺壁

我遊梅溪溪上峯霜飛不到林影濃交柯接葉因而重
天風吹擺秋雲鬆嵐光下照黃金容人天師坐默不語
妙香生處飄跡鐘磬法華卽衣鉢休問靈濟曹山宗
作詩豈患蔬筍氣未免寒瘦如吟蛩大開笑口出門去
手扶七尺穿雲筇奔泉泠泠鳴到耳熱塵襟易清涼胷
煙霞廻旋峯嶺複鶴聲一一遙相從翻憶匡廬李白句
吾將此地巢雲松

寄懷湖南梁瑤峯中丞

長沙開府牙作幢印床香繞蘅蘭莊

帝曰都哉汝作楫克濟江漢綏楚邦自南宣化猶自北

兩湖獷悍成敦龐洞庭瀟湘千里澗郇膏滂沛流淙淙
歐勲范績根柢厚鼎鐘裏鄂相摩撞願公忠勤永無替
主恩深湛如春江惟公詞賦麗以則攀躋白也髯蘇降
仙風吹落七星句聲撼玉堂雲霧窗銅盤巨製更排奡
萬鈞禹鑄筆可扛憐余萍泛仍闢海鹿門未得歸老龐
紗清自賞流水奏酒紅誰翻珍珠缸聯吟舊遊猶歷歷
花田鐵塔羚羊瀧心明道古時一夢微風幽幔明燈缸
新詩有寄虎門月三十六鱗魚一雙

鈎龍臺懷古

海壠延袤山森嚴波腥水黑驪龍潛蜿蜒穿井穴

鱗之而動光連纖越王一釣靈怪起來觀驚走千閭
羣臣奉觴爲君壽咸矜九五飛龍占釣鰲釣鷁事轉陋
屠龍豢龍勇可兼白帝子輸赤帝子宮庭反受遺釐咷
漢家將軍天上至降旗紅閃都中帘如貔獮旅尙難禦
天矯神物烏能拈人妄言之姑妄聽芒鞋過訪青山尖
橋影垂虹常瞰水江光如鏡初開奩高稜翠繞隔江滸
松杉濃綠深春添廻闌疊砌非古制那有臺榭凌飛檐
毬場草荒戰坂廢新豐堤市同渝淹況逾唐晉更千載
劫灰何處重觀瞻帆檣絡繹濤汙漫芳洲祇有魚喁唼
青天無雲走霹靂長綸竿斷金釣鏹願得僧繇點睛筆

還將陳跡圖霜隸

思歸

漫說人閒重晚晴思歸輾轉憶尊羹侯門紛列三千履
璧價空高十五城無計破琴羞伯玉幾思撾鼓學彌衡
太倉紅朽何曾少底事銜董悞一生

伏雨闌風朝復昏黃金用盡敝貂存行文多譽心滋惑
投刺無門道始尊難向瞽聾加棒喝誰從涇渭辨清浑
箋經每到緇衣什細剔鎧花仔細論

就枕蕭辰睡未宜非關愛月夜眠遲鬢絲易被秋風翦
鞭影空隨斗柄移客裏有歡皆勉強老來無病亦支離

願將繡刺平原線還倩天孫織子期

夏蟲已識語冰難況復羊腸百入盤強半鬚眉形似蜮
無多肝膽臭如蘭誠知天意容吾媿其柰人情惡士寒
早向雲門卸包裹免教人作磨驢看

寓齋無花木之植有竹一叢掩映雕牆外欣然賦
之

翠影欹斜暮色寒隔牆交映自檀欒分明碎雨零煙下
寫出蕭家十五竿

癸巳三月爲日永長老七袞初度先期命其弟子
晦巖走百里外勾余詩懸諸方丈余聞長老南

安人也嘗寄食於榕城數載爲人謀事賢幹而忠有所感傷遂空一切年二十四愛梅溪普賢禪寺有雲木石泉之勝落染居焉法廣緣深諸善信頗多崇奉其於寺中先業無少替而修葺殿宇支駕橋杓方且踵事增華亦可謂綱衣中佼佼錚錚者矣爰贈五言一篇

象教來西方彌天法輪廣惟佛功德深佛故壽無量言
念山中僧煙霞作供養挂搭數十年宗風啓宏暢彌勒生光輝能因卽如翔白髮照寒潭枯藤拄脣嶂鶴影與松聲清癯足相抗前年索我書爲作雙窠狀今年乞我

詩澁筆少奔放寄此寒瘦吟振彼妙明藏梵逕何迢迢
青岑阻遐訪何日匡廬遊芒鞋笑溪上

寄懷家兄菊坡

分手客城驛路塵生涯等樣歷艱辛常隨店月橋霜影
難息江吳岸越身雙眼有花依破硯一貧無地葬先人
弟兄俱向浮沈老慚媿青衫汨滿巾

料得相逢舊釣磯只愁步履易乖違未儲儋石終須別
不出門庭始是歸骨月半生萍聚合風塵廿載鴈分飛
那堪慈母堂前線縫卻關山兩處衣

泊鷗山房集卷二十八

會稽 陶元藻 堯亭

詩十四

西關

馬駛殘雨出西關
猿狹風迴破酒顏
望到寒雲將盡處
一林黃葉照秋山

涵江舟中

夕陽溪上晚風柔
燕尾波分浦濶幽
繞岸綠陰村不見
一聲機杼落扁舟

連日陰雨賦此遣悶

料峭新寒到客舍
簷牙不斷雨聲懸
難邀月照重昏夜
誰遣雲縫大漏天
打戶怕來招飲札
捲簾自賦惜花篇
玉川折足茶鎋裡
差免山中乞乳泉

臘月初五日初度時年五十有七

憐余憔悴似靈均
不降庚寅降丙申
羞向名山稱老學
難將冷竈款嘉賓
心驚週甲三年近
日數抽黃五葉新
料得故園今夜酒
全家俱憶未歸人

將歸故鄉畱別鄭文霖謝治進游大衛方本振方
本衢楊樹棟劉本貽廖景虞諸同學

此去關河汗漫程
臨期無限索居情
滌波春水重灘宿

茆店雞聲匹馬行
兩鬢自慚秦博士
三年殊負魯諸生
那堪磊落英多處
忽聽陽關唱渭城

江郎山

江郎石何蒼蒼蘿爲帶雲爲裳比肩兀奡千丈強君家
兄弟不可當用韋蘇句我苦宵行君露處相見銷魂知幾
許山根立馬問前因恨殺江郎不能語

宿招賢寺

春陽上已初峯黛翠於染精藍近西泠幽秀不可貶方
塘泉脈融奩鏡浮激灔我昔池上居秋涼正生簷齒牙
編貝牢大嚼水邨茨廿年彈指閒鬢腳吳霜點湖氣日

夕佳歸雲四山斂昏黃月上遲星斗芒角閃松影罨禪
窗風鐙自磨颺

小有天園

金碧重樓障林樾清泉靜深石突兀少陵曾作仇池篇
眼底山河又十笏廻廊花映曲折香羣岫雲歸淺深沒
縹垣數里入煙霞象緯平臨識天闕當年我訪南山隅
幽境雖具靈未舒三逕松憐靜者賞半畝宮與樵人居
我

皇御極十六載霓旌南下臨安湖山人手闢榛莽地跨
凌厓下驅郢輸雕甍閑竹木曉茲風景

帝曰都麒麟在郊鳳在閣岐陽靈圉芻蕘趨嘉名是錫
宸翰煥汗流司馬南宮書今春

鑾輶重省幸增華萬象榮光殊

天顏有喜恩賚疊

敕賜墨寶梅花圖齊州九烟掌上得妙諦難教俗人識
模山範水正而奇聳翠流丹麗以則一瓢日月與人同
浩浩春臺樂無極

題石左精舍

雲根雙壁立天闢古禪扉泉冽魚苗瘦芝多鶴羽肥石
丸支佛几松架曝僧衣指點爐峯路樵人歸未歸

過滄浪亭

滄浪邱壑好懷古一勾留有水軒彌朗無雲石自幽
斷鐘僧寺晚紅樹板橋秋差勝蘇臺路荒榛看鹿遊

登虎邱山寺

出郭天宇晴逶迤竟芳陌風鈴響琅璫古殿高百尺佛
髻觸雲腰茶鐺駐巖脊孤鶴導行紆重嵐照衣碧銷嵌
歐冶工淪亡闔廬魄南無梵王栖誰問虎邱跡徘徊生
公臺碑確尙如昔人世少知心談心不如石

泛舟泖湖

秋水爭春漲乘流欲上天幾堆漁戶舍一葉酒人船邨

遠猶聞大湖空只貯煙華亭無牘墨好景與誰傳

曉園

大功坊內中山居千章老木臨清渠移來怪石形倔強
紅羊碧獸羅前除峯橫嶺側布置巧宛疑衡岱胚胎初
修廊周遭臺榭密離離花竹兼禽魚中山遺像英靈在
璧月華檠耀精采歌姬會壓十二樓手植猶傳四百載
終古霄馳白玉驄至今人見黃金鑽中山王嘗乘白馬夜遊園內至今猶

然江南別墅多且工百年世事嗟飛蓬橫雲漸作榛莽
窟水繪早與狐狸宮高傾曲平已無數何況前代塵灰
空瞻園長託方伯署歸然魯殿靈光同物藉嘘培方不

汨人非得地安能雄我來重訪畱題處廿載遊踪逐飛
絮憐渠巒嶂翠如初歎我鬚髮雪難去臯禽似識舊詩
人故故松梢款人語

紀事二首

余初不識袁明府枚今年秋相晤於瑤峰方伯
之署袁大驚且喜云壬申歲過良鄉見旅店題
咏頗多有一律甚佳僅署篁邨二字於末不知
姓名因依韻和之不意十八年來相見於此又
云十年前方問亭制府將駐良鄉淮徐勞宗發
觀察時方爲大興令先期灑掃店主欲圬其壁

勞命兩詩俱畱之店主懼制府責錄而呈焉制
府大爲擊節傳述同官并命勞公訪余十有餘
載竟不可得而方勞二公已歸道山矣

匹馬曾從燕薊趨橋霜店月已模糊人如曠世星難聚
詩有同聲德未孤笑我長吟忘歲序是誰相訪徧江湖
袁詩手疊花箋書稿去江湖沿路訪斯人秦淮河上班荆語應識今吾卽故
吾

樓桑旅舍夕陽邨底事高軒過此門飛蓋翠搖新薰墨
華燈紅照舊題痕不教漫畫傭奴易便勝紗籠佛殿尊
惆悵憐才青眼客幾番翦紙爲招魂謂方制府勞觀察二公也

題雨花臺

佞佛蕭梁自古傳月中清梵落峯前如何不救臺城禍
一片天花變紙鳶

題金山寺

砥柱常留石靈鼈未駕梁半天雲湧塔微夜水明廊雁
影橫秋遠江聲入海長山門空佇立玉帶付蒼茫

題隨園爲袁簡齋作

水破滄江手自驅垂楊種老倩雲扶臂中原有真邱壑
眼底重開好畫圖四部蟲魚藏複盤六朝煙雨接平蕪
夢魂未斷錢塘路猶訪虹堤界雨湖

木約茆亭野趣酣宵敎金碧汙晴嵐聯吟每選花閒石
獨釣偏臨竹下潭看到白雲疑輞口攀來叢桂印淮南

松風蘿月清如許磨洗山房二十三

閭中有書屋二十三閒曲折釣連頗

雅幽

太平箭

箭在今江寧西門相傳國初王師薄金陵城

守者亟閉門滿洲某引弩射之洞門而殪守者

遂奏膚功

日月新開景運時金陵餘閏豈能支千年玉步歸周鼎
三箭天山定漢師猿臂纔看彎勁弩石頭早見樹降旗

居民指點黃金鏹銅柱扶桑績並垂

秦淮旅舍

秦淮重遊過江鴻地主誰賢憶魏公

謂魏中丞慎齋先生也渺渺

愁予同北渚蕭蕭落木正西風聲低絃索鐙船遠涼透
題襟水榭空二十年前一規月照人依舊到簾櫳

少司馬芝庭彭公以告休歸里詩見示爰和韻

律

八埏戎政協堯年武庫輝分北斗躔方慶日邊推贊化
忽聞天上

賜歸田朝衫漸隔爐煙遠吟管新霜竹露鮮不是材堪

清福原那能容易受

恩旋

江寺

江總才華歎寂寥臺城腸斷紙鳶飄一鈴常響浮圖項
猶似聲聲語六朝

項里

英雄無復到江東故宅荒涼亂棘中不是鴻門輕脫免
此間雞犬卽新豐

柯亭

月暝霜鐘野寺寒吳中亭榭已凋殘稽山豈少如椽竹

那得中郎隻眼看

梅山

辭尉長安歸去來攜家便隱越溪隈只今仙吏無遺鼎
一角雲山尙姓梅

春日散步至城西舊莊

數里西郊路邨邨帶夕暉水暖白魚上春深紅杏飛

典衣

料峭春風倐冷天長生廬裏恨綿綿媿無文字三縑價
更少狐裘卅載緣難解懲惟枵腹計易消磨是典衣錢
憑他凍煞封侯骨披上煙蓑雨賦

愚庵懷家兄菊坡

廿年回首夢騰騰悞博聲稱學二應詩骨豈因車馬頓
禪窗誰共水雲凭湖邊佛髻青於岫雪後梅花淡似僧
惆悵題名猶在竹更無休暇剔書鎔

春日重過西湖二首

堤上湖光撥眼新詩瓢茶具訪前因鶯花不識風塵面
只有青山似故人

錢塘門外雪初消湖水湖煙護柳條何處解留雙蠟屐
春風吹綠段家橋

遊瑞石山

撐霆裂月春芙蓉岩峩靈鷲爭雌蟾蜍伏地鱉背起
明駝走入巒巔峯浮嵐重重暖翠疊羊腸鳥道穿玲瓏
根柢盤旋氣磅礴骨幹不與諸山同

鑾輿南幸神境豁山靈騰躍開真容塵埋土掩幾千載
頭角忽露驚羣蒙懷奇終與時際會豈關剔抉爬梳空
譬如山車與澤馬

天子神聖臣何功廻廊步步入煙靄相接飛棧摩若穹
簷楹窈窕隱木末陔唾半落雲霄中金銀臺闕日照耀
海上那數蓬萊宮居民歡敍

翠華盛更無人問丁仙蹤野鶴潛形承鼎失繁花歷歷

丹砂紅青榦徧踏佳麗地倏忽數武迷西東不雨不晴
山正好欲去欲住雲相逢雁門畱題發顏色拂拭峭壁
披心胸朝真路口天可通春風謾謾吹古松

題汪氏夜績課兒圖

鄰雞聲杳曙光遲辛苦寒宵蟋蟀知半敝帷遮一星火
兩窮嫠對十齡兒同心汨續愁如縷永夜經傳母是師
古綆到今修幾許莫教忘卻辟纏時

遊寓園尋祁忠愍公殉節處和壁閒前人舊韻

墮鳥遺弓弔劫塵稗蒲池畔泣孤臣紅欄映水如丁卯
素旐招魂是甲申落日山前雙佛塔秋聲樹裏一詩人

摩挲壁上題痕古檣角藤花冒葛巾

偶成

家住湘湖鷗鷺邨看山樓倚菊山根藜床夢醒日卓午
無數白蓮香到門

咏水仙花

分來芳杜一汀煙錯認春風放白蓮翠蓋孤根波細細
夜窗清影月娟娟原無塵垢心如水得住江湖我亦仙
鼻觀自參香不散夢扶花氣上漁船

雲栖

窈窕水家邨參錯蓮公屋飛泉接遠峯數里到幽谷荒

廚絕腥羶采香動盆掬庭柯竄蒼鼯寺門守駒鹿客從
何方來懸鐙講堂宿四圍雲滃山人語在深竹相傳蓮
道場請至五雲山聞山主姓水遂乞施捨築茆池將建
於斯至今山下有水姓一郵寺僧奉爲禮拏

過金泉井偶成

汲引何曾少沈淪偏獨深虛涵利用志清鑒在山心花
雨臨流羨松風抱甕尋識高輪陸羽悵望到而今

張爐

銅山軒后鑿範器類金相澆水工偏盛清河技最强方
圓遵古制冷暖問中藏圖海瀾生紫餽雲暈疊黃迴春
得鳳炭執熱到蘭房供奉鴛幃密提攜雪夜長拂衣呈

異彩映帕發堅光豈有熏心懼應知炙手良人如冬日
煖冰與夏蟲忘娛老隨燕玉消寒勝蜀薑硯依融墨凍
釵落響金鏘茜袖微籠火湘裙暗護香溫存凌八關留
戀過三陽寶鴨分雞舌金猊共象床吳興成薛鏡西浙

兩傳芳

中秋

萬里無雲絕點塵蟾光四溢汞流銀垂簾小婢藏紅燭
掠鬢涼風起白蘋無語可驚詩負月有年輒醉酒欺人
與誰共說南朝餅自啖堆盤十字新

春日寄懷熙載顯甫

春服初成日，郵醪乍熟天。
鶯花逢上巳，朋舊憶斜川。
雨屐裙腰路，風鐙鴨嘴船。
文通長賦別，江水自年年。

哭吳甥炳信

搖落孤根悵漢南，渭陽誰與送行驂。
家經板蕩天難問，病到膏肓藥豈堪。
余赴粵時妹氏與相托今忽病天爲之愴然翻教謝傅慟羊臺可憐汝母無涯恨相對
荒墳月下談。

題張素夫胥山小隱圖

齒齒崖崿閒嘉植，森以束冥鴻與靜俱肥遯。
良可卜溪聲滿飯盂山色浸茆屋依微青靄中，風舉芰荷服敦槃。

感故交宿草不復綠

謂板橋穀原大恒長老也

留題在此圖墨彩濃

可掬沈吟舊雨詩彌想幽人躅

君家伯氏畫我見常愛憐胥山忽到眼突兀生雲煙畫者品固潔所畫人更賢鬚眉飫經籍世隔神猶全二老默無語怡怡宛當年竹香經雨瘦松影旋風圓斯境殊可慕厥意誰能傳

雙節詩爲汪煥曾之母王徐兩孺人作

淇泉仙尉瓊林標蘭蕙蕪姑兒方嬌鸞膠新續朱絃調馬蹄蹴嶺巒雲高帝居告竣神下招芝焚蕙歎松先凋翩翩素旆歸浙潮家徒四壁廡蕭騷夫人暫死從荒郊

小星欲引桓嫠刀老姑勸慰神吻焦閨幃勉作程嬰豪
門前索負集蜎毛誰能解棼如解絲女媧赤手石可燒
經營補綴完青霄搖風漂雨驚廻巢持門健婦心忉忉
遷居有議聲噭嘈中流砥柱偏堅牢息肩安問幽與喬
墓田長守供菁茅溫恭淑慎光自韜六年潛戢飛鳴鷁
春鳴秋蟀績與繅伴孤誦讀燃蘭膏鼓聲五下雞三號
書籌星火紅未銷二十餘載冰霜操流傳海內聞於

朝雨颯生死名並裏尉兮泉下應逍遙鯉庭頭角初曉
曉雲天月地揚秋鏢搏風違答劃荻勞凌雲碑版瀧罔

和山舟鐵畫歌原韻

水秀精英鬼工裁六丁扇簇陽光裂千錘百鍊圖畫開
董巨荆關盡橐筆雕鏤林壑何玲瓏鬢鬟蘿薜搖春風
清剛觸手骨節硬黝黑滿眼雲陰重一幢蒼茫挂君壁
生绡詎羨鵝溪白銀麝應從柳下尋臥遊翻向爐中得
興酣意到神淋漓從心模範聰明奇墨池離離粉本陋
後誰繼述前無師巧製長下絕塗改紅蟫碧蠚何由毀
林巒缺處鋟痕空九點煙橫一泓水

花雨

錯認飛靈雨纏紛是落英香霑鶯肯重紅滴草頭輕灑

屐猶疑濕侵階未有聲誰教天女散一夜滿春城

唐試帖中有金谷園花發懷古題拘於體格詩多未暢余改作七古以廣其意

季倫豪氣排天闖黃金爲埒玉作堂築墅由來誇太傅
種花那復知河陽林閒招友二十四錦囊分韻兼壺觴
黃門詩讖大奇絕零煙碎雨生蒼涼寂寥雲壓高閣
晴絲空繞秋千索春風夜入洛陽城吹綠池波過斜約
一枝曾照墜樓人惹得殘脂變紅萼浮雲富貴夢邯鄲
何待平泉草木淹昔年花發闢如市玳簪珠履停羣驥
今年花發孤兔走誰知國色矜朝酣孤芳自賞還自惜

物猶如此人何堪金輪不駐羲和馭如許繁華水東去
花落花開總斷腸七尺珊瑚在何處流鶯猶學舊笙歌
願對烏衣燕同語

題嚴先生祠堂二首

暫過桐江問釣磯那知煙水有蓑衣先生原不垂綸隱
休把羊裘論是非

伸足怡然在帝廷故人忘勢帝忘形封章太史真多事
從此難忘一客星

新葺泊鷗莊

新葺垣墉三畝餘旁人指是寓公廬春從啼鳩聲中過

人在停雲影底居名士壺觴分韻後歡場絲管上鐘初
何須金碧添粧抹自有湖山美助予

哭母六首

劬勞罔極恩生我在西蜀三峽走滔滔驚舟恐鞠育撫
養六十年寸草心局促鎋前話厥初歷歷常在目何爲
寢門閑陡來不祥鶴六旬與六齡失恃同躑躅不如伯
兄亡先待青山麓

全城推練氏我母德豈殊持家整且肅處事安以舒非
無翦髮事不足若有餘清齋非所尙佞佛噬羣愚偉然
女中傑壺範無人如嚴霜隕慈竹絕御新晴輿吁嗟我

欲出誰倚風中閭

哀哉我顯考中道先棄捐遺孤二十載陟屺膺悲闒
鶴聲楚寒食殯舍西園偏煢煢母與子艱苦相周旋持
家徒四壁負郭無寸田晨羞與夕膳惶悚南陔前苦無
甘脆味頤養桑榆年

種松非梁棟不如麻與桑生男無組綬不如委路旁我
生愛紺帙髫齡譽頗揚人爲北堂慶庭蘭必芬芳轍駒
歲復歲局局銷精芒一第且難致矧襲三公裳看人兒
女大母氏心悲傷

人生苦別離十載九作客憶從燕北歸萱幃髮猶黑鞭

絲五嶺遊親髮已成雪喜懼繫親年家貧敢家食徘徊
復徘徊去住兩休憊征衣裂復縫慈泪乾又滴多違定
省儀欲補終無及

八秩耀春輝芳辰共延佇蒼天屬何心數日斬不與親
朋遠方來弔賀惑中路倉黃遇席醫所藥能不悞千里
尙團闈尺步翻閒阻畱遺無片言一寐竟勿寤海水如
可量我罪深幾許

過淨慈謁濟公禪師像

雷峯終古照琉璃何礙村醪甕日攜一劑藜園誰解得
彌天釋是醉菩提

過集慶禪院

駐錫人何在支筇我獨尋旛幢杳無影魚板忽聞音佛
與山同古雲兼樹更深樵夫不到處誰識有祇林

五柳居酒肆以醋魚擅名近日烹調失味人多厭
棄因戲作截句爲其解嘲

潑刺初聞柳岸傍客樓已罷老饕嘗如何宋嫂當爐後
猶論魚羹味短長

晚步白沙堤

寺暝初懸火湖空只貯鷗浦雲生澹暮汀蓼隱紅秋月
上諸天靜僧歸一檣柔今朝清景好芒履且勾留

遇半閒堂舊址

何年銳火照平章一逕空山草色荒蟋蟀自知亡國恨
更無聲到半閒堂

題張雨村天台遊草卽用張若垞韻

帆挂漸江雲舟穿剡溪蓼突兀見天台東遊得仙島一
笑黑頭年穿磴屐齒老遐覽意騰騰獨往神矯矯如酒
入沈酣如書竭搜討抗懷孫興公作賦矜孰早瓊臺銳
而雄螺溪清且窈雙闕洵玲瓏桃源復竚篠雲際石爲
梁天工豈人造終古雪奔崖炎天暑偏少詩豪手八叉
抽秘組蘿葛寒山與劉晨賾迹互參考麗句照巖花清

聲答林鳥松風截毫端墨汁飛縹渺雁山百二峯我昔
快登眺年來腳力衰秋圃藝葵棗今讀天台詩幽夢重
繚繞一萬八千奇心醉目亦飽雲停掩卷餘暫次青未
了勝路赤城根緣巖拾瑤草

由瑪瑙寺至葛仙嶺登初陽臺復遊赤壁庵而歸
鳥閒青滿蘚苔痕幾折煙霞仔細論敢與松杉爭老健
愛同猿鶴敍寒溫丹爐火冷仙無路法鼓聲多佛有村
揮手山僧歸去也白雲隨我到柴門

泊鷗山房集卷二十九

會稽 陶元藻 姮亭

詩十五

悼亡詩十首

襁褓前緣豈偶然
緒姻時余未及週歲孺人纔三齡打包何事棄余先
回頭羈旅真多憾屈指團闐亦可憐薪米怕分稍古志
巾箱自辨典衣錢從今寫盡千番紙難罄荆釵德曜賢
戒旦雞鳴底事忙我窺書卷汝縫裳祇緣井井神偏瘁
不類庸庸福豈長辛苦蒸嘗兼乳哺綢繆醯醬及蠶桑
六旬也可稱偕老畱得鰣魚卻斷腸

相忘泉下有歸期北走南征兩鬢絲金到賣文銷易盡
書成告憇得偏遲全家枵腹憑誰托幾度荒年賴汝支
爲感糟糠恩義重不關重憶畫眉時

曾殤兒女在南樓璧瑗雙埋共一塚

廷璧廷瑗
兩兒早殤

事少懼

娛知蹇命言無賴勃著姱修敵云金老辭勤苦早識安
貧絕怨尤嚙盡菜根身已殞不知節儉爲誰謀

黃花同瘦力俱完一病膏肓補救難勤到作姑仍作媳
憂來忘寢并忘餐夢尋嬌女魂何遠次女蘊素孺人鍾愛今已十八年

魂泣高堂泪始乾
先慈見背之夕孺人已病革猶於枕上呼天而哭
憐少子天邊風雪憶長安孝慈兩字真無愧莫作陳言
獎許看

九還無路訪軒岐憔悴秋蘭攬鏡疑鹵莽誤投初病藥
因循悔失早春醫人將變易孤單影大豈矜憐淑慎儀
翦紙招魂過江去雲栖香梵禮牟尼

四十年來伉儷情房中琴瑟鳳和鳴雞窗有火人同織
虎榜無名泪共傾半世迂疎卿諒我滿懷懊惱我憐卿
以忘垂死丁寧語重締姻緣可再生孺人永訣之日願汝
得爲夫婦自五更至午刻相
可不下數十聲至氣絕乃已

虛堂畫軸影長懸舉案儀容鬢邊我似孤鴻家亦客
身非明月缺難圓生離泪燥纔三載死別心傷又半年
節序漫勞親友問強爲懽笑轉悽然

正約陽川理棹過無端心事竟蹉跎飄零曉鏡人華髮
惆悵春江水濤波孺人家住陽川未病前三日遺挂懶尚有來春買舟同往之約遺挂懶
將塵拂拭殘年忍與泪消磨荒裘營得青山路同詰渡
涼到薜蘿

卜居

不遇丁年老更閒卜居長傍翠微閒鳴鶯無分來空谷
那怕移文詣北山

過茅家埠

一葉扁舟柳下維
幾邨雞犬映疏籬
梨花尋徧湖西路
不見蕭娘舊酒旗

徐大河頭觀荷二首

如鏡陂塘處處逢
迂迴一逕繞芙蓉
渾疑小艇衝波入
四面紅香影萬重

漫把凌波望水仙
洛神今已化爲蓮
畫欄燈火江園夜
夢斷揚州二十年

山行

策杖山行路幾彎
石麟纍纍影欹斜
墓門秋樹聲難聽

最是于家與岳家

病腳

三月不入城煙霞痼如許我學媿稱儒我足已先腐淋漓竟剝膚瑟縮難布武布襪不相容青鞋亦能拒那得門生昇空敎竹杖拄路旁跛蹠行山前老夔舞憐余艮趾人兀坐誰復侶曾聞古牟尼僵臥在西土我豈跋津梁有脛勿出戶昔爲行腳僧今爲裏足女親朋得得來一笑卻克苦人言葛穉川燒丹已冲舉丹井在吾家跬步艱且阻湖山妬詩人十日病我五酒帘斬招尋茶铫可烹煮伸紙畫烟雲臥遊孰余侮

泊鷗莊落成四首

林家山對葛家山仙隱從來住此閒我似漁人原泛泛
誰稱桑者獨閑閑一籌寒火林中出兩版衡門水上關
悔買沃洲遲廿載潭光照得鬢絲斑

軟玻璃內結鷗盟筇杖芒鞋影亦清牆角種花餘半畝
山根容膝有三楹涼桐陰底支頤坐瘦竹稍頭看月生
如此風光自消受宵教蘿薜易簪纓

跌宕輸他白與蘇漫勞絲管慰桑榆尋人影衣香路
重展蘋風荻雨圖徹夜湖光明戶牖幾聲鴈語入菰蒲
未知水木清華處分得藍田一角無

平生邱壑本難忘不繫舟居水一方野老門庭雲亦懶
荷花世界夢俱香憑誰畫紙同棋局重憶循陔痛養堂
短句自吟還自改幾回父手過長廊

邵二雲編修招余遊三潭并攬湖南諸勝適以腳
疾不赴因作長句酬之

秋生蘋末風飄蕭穀紋吹皺烟迢迢玻璃千頃美陂美
柴門剝啄岑參招招余三潭看湖色筆床茶竈羅吳船
庾樓老子興不淺一病媿與梧桐凋葵能衛足余勿逮
跛不能履難道遙臭腐怕遭花竹笑躉躉反受禽魚騎
西泠尺步思一到儼如海外登秦橋問臺尋邱久踈懶

澆書攤飯甘寂寥生憐垢膩腳不襪泥塗混跡漁與樵
湖邊蓮盡桂復好幾番辜負看花朝蛩吟兀坐紙窗底
寒鐙疑照枯僧察感君枉顧飽君德敢酬長句輸瓊瑤
天公療吾雙足健黃雞白酒吾相要南山之南北山北
挹蘿同陟雲崿峩

過徐潤亭閣學墓

隧闕鐙長隔巖空狹自吟青山懷舊雨黃葉對孤樹十
字豐碑在三年宿草深古心兼古貌何處復招尋

題張雨邨煮茶小影

酒以劉伶豪飯是廉頗善何如盧玉川七椀矜茗戰蟹

眼劇周旋素濤恣留戀惜無畫師傳高致不可眄兩邱
作賦才清談共禪院徘徊老樹根坐聽禽聲變一卷出
巾箱三毫頰中見松影落坡陀苔花襍芳甸安排折足
鐺搖曳圓蒲扇旗檜沃乳泉沈瀝晨興嘵我昔過惠山
烹水啜陽羨新柳未垂絲殘梅尙餘片摩挲古竹爐畱
題梵王殿今展煮茶圖前遊想猶繙剪竹斷橋西松風
拂吟硯

湖上偶成

羣峯突兀淵聲巒人與林逋鶴共癯巖樹有枝棲倦鳥
天倫無樂到潛夫淒涼縫裂征衣線宛轉香銷錦字圖

無限傷心向誰說秋風吹淚灑西湖

種桃

白堤花樹映前津又種桃花滿院春絕勝武陵溪口路
柴門長住捕魚人

宿葛林園

一枕孤眠對短檠鯨魚輾轉夢難成寒蛙偏樂方塘夜
坐月圍園話到明

殘暑

坐消殘暑憩山莊西望鄰園正夕陽卻愛隔牆松似蓋
借他清影半庭涼

庭前桂花盛開

天意憐秋樹繁英點綴工空庭垂夕秀幽艷對衰翁影
照玲瓏月香吹瑣碎風淮南仙去久招隱與誰同

漫笑

湖山漫笑髮鬚簪磨洗風光我尙能老眼瞪叔新水鯽
小舠划摘嫩苗菱丹黃著樹知秋劇晴雨關心望歲登
來往更無車騎客漁樵人外兩三僧

買得丹桂繡毬木香薔薇玫瑰西番蓮詣卉共十

種分植山莊

平泉草木已成塵小圃重分藥畹新他日春風過裙屐

看花休忘種花人

昨接兒子廷珍來信欲余歸里因寄示一律
雙魚日昨度江關勸我東歸栗里閒只恐寒鎧依總帳
何堪破鏡照衰顏家園蕪盡松兼菊暮齒悲深病又鰥
爭似桂帆煙水外任他白髮對青山

東嶂

巾子窺牆一柱尊浮嵐暖翠變朝昏余家山與人閒異
不見開門見閉門

先慈喜食杭城蒸藕余每渡江必囑買之歸必索
食今時物重新高堂安在泣然有賦

藕熟初秋火殘牙滋味長音容逢舊嗜枯勺感新霜總使堆盤薦何年舉箸嘗門間無倚杖歸路亦蒼茫

中秋對月

青衫一老坐寒窗回首家園益惘然今夕人如初夢醒中秋月是去年圓幸逢兒姪殷勤語相對湖山冷淡天杯勺不勝還舉觴且拚沈醉燭花偏

題山齋

僕夫泉畔手誅茅肥遯新占上九爻山水清華難作賦禽魚淡蕩可論交寐當秋枕無完夜食遇殘牙有定庖愛煞湖雲閒似我倒拖藤杖立塘坳

再疊前韻

十笏緣巖小結茅幽人貞吉驗羲爻山光恰被湖光掩
梧影遷同竹影交鴨腳細繁荒圃石雞頭新剝早秋庖
最憐風度淮南樹時有飛花入硯坳

三疊前韻

泰運方亨廢拔茅惟余作卦漸初爻要逢惠遠重開社
敢效嵇康擅絕交羈客僅餘雙鬢雪俟門空代廿年庖
生成原是煙霞骨合住山灣與水坳

獨居

獨居邱壑裡寂寂置閒身烟水魚爲媵雲天鴈作賓故

山同月遠老眼與書親猶有黃華菊相逢是舊隣
夜景

巖棲猶可樂吾道豈終窮夜色重湖裡吟聲側枕中殘
鐙閃踈箔涼雨墮高桐南北山前客幽懷幾輩同

移梅

七尺繩床傍矮窗月華如水浸寒釭今朝紙帳蘆簾底
添得梅花影亦雙

九日同姪倩蔡安周暨兒子延珍姪女大媛女孫
阿增葛仙嶺登高得十二韻

節序秋偏爽登臨我尙蒙寶雲開石磴葛嶺訪仙曹濶

潔丹爐濕支松藥臼半幽崖階語蟋峻壁趁飛猱羣從
多裙屐清遊勝酒螯髮雖羞落帽詩豈畏題糕木脫千
峯峭天空一鴈高迷離蕭寺塔縹渺夕陽舠湖色明涵
鏡堤痕碧曳絲城闕羅市井江海走風濤客袖吳霜重
家山越望勞明年期健飯扶杖再遨遨

余三十年前讀書愚庵曾題七律十首於壁閒中
有句云欲買西泠芳草地臨湖新築讀書樓其
稿久失此語亦遂相忘當時有錢塘戴西昭者
錄詩而去今年余葺泊鷗莊既成西昭向人傳
述舊句乃知素志烟霞真成痼疾一樣憩息亦

有前緣因索詩稿於西昭復賦此酬之

西冷芳草自芊芊青到柴門葛嶺邊詩酒未完前度債
湖山重結再來緣相逢鄂杜纔三月不夢邯鄲已廿年
余自丙子秋闈後不復有志功名故云多感神交戴安道爲余珍重舊吟

箋

九月十六日夢亡妹蕙娘醒而有作

撒手當年嶺表趨到今生死竟殊途五更入夢憐同氣
七載傷心負托孤余赴粵時妹以幼弱相囑不料一病而殞今已七載每念及輒爲惄然
廬舍有梁傾燕壘墓門無樹走樵蘇不知沒嫂魂歸後
長得纏綿話舊無

丹井

翦蘿榛燕爬塊磊一勺乳泉甘未改仙人駕鶴已不還
此井澄泓竟千載句曲外史樂應酣新城尚書想猶餒
深陵高谷幾變遷不涸懸知爲余待竹竿蕭瑟致已佳
梅影橫斜景尤倍長開方鏡照羣峯驀見圓靈落殘海
洗我老眼好窺書休問燒丹術安在

棲霞嶺後多石洞僧廬頗稱幽致年來老朽日增
足力軟弱每至山根輒廢然而返回憶丁年與
菊坡先兄遊歷往來蓋不勝生死盛衰之感云
紫雲綑縕白沙白金鼓無門兩奇僻幽屏忠蔭小香臺

倒映初陽一峯碧當年我與伯兄俱碑碣山行賦山石
此酬彼唱松竹間如鳥應聲板響拍晨趨只恐露猶瀼
歸路何知日之夕胡麻飯索洞真家玉版師參梵王宅
煙霞貯滿古錦囊踏破看山幾綸屐今余頭白到林泉
矯首棲霞去天尺丹梯欲上歷級高我未一能人已百
兒童拍手笑衰翁縮縮如循真躉躉懸崖開徧木犀花
心欲攀援手難摘同遊彈指三十年人作陳人迹陳迹
西秦招得旅魂歸汨原鵠影存隻我遲兄死又三年
兩兄何能健如昔白雲倘月下山來來作茆齋獨居客

贈崔尊彝

北征句座南山强大聲吹地喧
礧碣蚍蜉撼樹不可動
爭祖兩宋祧三唐漢京鄴下淳氣古已如論世談洪荒
誰歎更問十五國攷訂六藝窺微茫蛇珠荆璧人自貴
紛紜羨沸皆蜩螗仔肩大雅無幾輩晨星寥落分低昂
姚江鳳稱詞賦藪霍君年少工篇章嗜詩儼如嗜痴癖
苦吟藥椀茶鎰旁天心月腋妙搜抉含漱六藝羣言芳
江花在毫清且麗紙間作生英芒老夫久荒吟咏硯
偶然捉筆心神僵幾堆黃葉不開戶一片白雲時拂裳
世人謬作識途馬屢屢問字來林塘撐腸餽乏一萬卷
炎簷放蕩恣踈狂君來自東不憚遠吾寧避咎占括囊

山莊翦韭語言切歸帆目送情彌長願君勿學飲河枝
當轍詎肯同螳螂善射須彎百石弩旌旗壁壘觀堂堂
神龍天寶瓣香在何憂欲濟川無梁正始音從蘊藉入
錢劉尚足凌蘇黃此中三昧知者少那得牙曠參宮商

寄秦沐雲

春風一棹下吳門話別衡河水竹邨說到功名惟我媿
算來耆舊幾人存罷官早赴青山社讀史聞消濁酒樽
還約天台同採藥石梁對坐敍寒溫

先菊坡兄旅病時曾以詩集寄余刪定并囑製序
今將付梓珍姪復請訂之

推敲心苦夢俱關病裡丁寧豈等閒一掬書生寒士血
十年羸馬峭帆閒欲垂世久重加訂轉痛人亡不忍刪
賦得招魂題卷後燭花光照泪痕斑

初雪

夢裏衾裯冷轉增虛窗生白曙騰騰呼童起看前山雪
昨見峰稜沒未曾

由錢塘門晚歸山莊

煙罨湖光嶺色昏兩三星火出前邨滿山凍雪無人語
自打梅花樹底門

斷鍼行爲嘉禾孝子李晴山道南進士作

閨中鍼幾許鐵冬縫裳夏縫葛製盡兒衣寬與窄與鍼長伴惟刀尺天吳紫鳳刺繡工十指艱辛易兒食易兒食敢蹉跎製兒衣手摩挲可憐衣與食都向鍼閒過養兒成立親髮蟠鍼頭辛苦當如何完鍼用斷斷鍼棄斷鍼更比完鍼多一鍼一泪兒自拾泪同鍼聚難消磨兒欲吞鍼苦難嚙痛煞用鍼人不見挑燈吟罷斷鍼吟猶憶鍼鍼夜穿線

臘月初五日初度感懷二律

雪花如掌撲淥瀆惆悵今朝母難辰鞠我已逾周甲子降吾殊愧楚庚寅輪迴未解前生事苦塊空悲後死身

何似去年初度日白頭兒拜白頭親

支離病骨對鐙籌數頁殘書茗半甌老母既難重定省
餘生休問幾春秋淺深且自隨鷗泛修短何妨任鬼謀
只怪黃粱炊已熟竟無一夢見封侯

亡荆孫氏性喜佳山水余自閩歸嘗約來湖上作
十日遊五日飲以家事牽縈不果去年春重申
前約又以事中止今余卜築湖山而舊侶同心
竟成永訣言念及此徒切鰥魚之感彌增伉儷
之情心與魂馳吟同泪瀉

看花舊約幾因循辜負湖邊汙漫春買得煙霞樓獨鶴

羨他借隱鹿門人

空閨根觸步難前孤燕同悲舊壘邊早識懸崖將撒手
悔遊闔海又三年

灑乾老泪汨汨痛似湖波髮未平指點葛洪川路近
那能牛背話三生

分釵青鬢尙綢繆況共勤劬四十秋多少窮愁與離別
從今一一到心頭

朔風颯颯客衣單怪底今冬雪倍寒如此梅花如此月
竟無人共倚闌干

憩息重湖半畝宮此生杯酒已難同明年願結鴛鴦塚

置汝山青水綠中

荆嘗云吾最愛青山綠水環統之處遊覽半日殊覺神怡

丁酉正月六日到山莊

摒擣書畫駛爾奴飽帆西渡江風驅眼光初到丫髻嶂
輿影已落玻璃湖寥寥一大吠寒澈指點我屋緣雲紆
疏沼依然泉湧乳種梅忽見花垂鬚兒童再熟隔年主
牽衣訊問歸來吾邨嫗喜爲乃公壽維鯁貫柳羅庭隅
吾亦欣然樂其樂是家是旅心模糊人間清福在山水
豈必蓋紫兼輪朱載酒船來脆管咽燒香市近紅衰趨
骨人雖愛山少肉絢染亦覺風光腴此地宜爲老龐老
當時悔學愚公愚櫳味在回蔗在漸何如甜蜜中邊俱

去年吟髭撫始斷今歲欲撫髭已無健飯嘗虞齒牙墮
緩步尙免筇藜扶要與禽魚辨勞逸敢同仙隱爭羸輸
頭銜新署兩湖長管領萬象煙雲圖

上元寄廷珍廷琡

一年月魄初圓夜兩載燈街不踏身且幸煙霞寬禮節
長依猿鶴得比隣傳柑無分東華土挑菜偏私北渚春
底事碧絲容易白詩窮人與墨磨人

故園慈竹已凋殘夢到牛衣影更寒空說春城騰火樹
誰來山竈製牢丸垂頭自辨書三味洗眼還尋嶺入盤
同是棘人悲未已彌憐爾輩瘦染樂十四日適同地
師過八盤嶺

孤山有小廟祀五顯神杭人稱爲西冷五聖四方
商賈每於正月中禱神求利向守廟者買紙鑑
而去懸於家至歲終倍其數償之以爲神佑故
財多也相沿成俗不知肇自何年余戲作此以
醒鄉愚爲之捧腹一笑

人逢阿堵心顏開呼兄終日兄不來乞憐無計到佛腳
祭非其鬼真堪哀錢神廟在孤山址商賈行春先集此
廟僧翦紙糊作鑑借貸於人作噶矢伊人貨殖偶然盈
交口稱神善驅使倍償鑑紙報秋冬神竟居功愈謫詭
黃雞白酒賽年年岸越江吳走如蟻刮毛龜背不成鼃

丹砂煉金術難擬紙鑑果可誘真鑑舉國如狂我亦喜
大開笑口謂神言余是神鄰離咫尺睦鄰須擲買鄰錢
神豈無私不余視欲貸十萬青銅錢一啖富兒入百里

雪霽

積雪融初陽風盪雲亦醒娟娟兩高峯晴翠髻鬟並凍
開沙渚艷寒戀鳧鷺脰春漲濶於秋遙邨沒煙艇

過招賢寺訪心遠上人不遇

杖藜一散祇園步剝啄禪扉僧不晤回頭不見孤山雲
方覺雲隨入城履老僧心空境亦空嘗住湖邊嘗不住
琉璃宿火滅復明白照支公誦經處移時茶熟僧未歸

落盡梅花不知數。年尼相對兩忘言。惟有禽聲在高樹。

初春卽事

苔逕人稀到。柴門鳥獨知。夜香梅放屋。春濃雪消池。垂
釣逢新渚。編年訂舊詩。休閒綠地僻。欣與老夫宜。

泊鷗入詠

西齋

荆扉秋自深。虛室夜彌靜。更闌人未眠。涼雨滴燈影。

詩畫樓

蒼蒼峰色重。灤灤湖光溢。邱壑在胸中。祇有王摩詰。

雙桂書堂

庭樹兩婆娑秋光淡如水滿山木犀香那知花在此

拜石軒

相對兩忘言我狂石亦介丈乎骨自尊能無折腰拜

竹香梧影山房

幽篠羃北牖高柯挺南榮翠碧交日午夏簟微涼生

怡雲閣

天半碧芙蓉正對攤書處幾度欲東歸難拋白雲去

鳧亭

草亭俯幽潭淨綠照毛骨深淺人不知鳧鷺自出沒

丹井

我嘗洗耳來客復烹茶至神仙不可求休問燒丹事

題鄭觀占觀釣圖四首

我昔論文語若翁期君鱗爪見雲中如何天忌才名甚
娛老溪山托畫工

半世焚膏繼晷忙今朝休暇過林塘曾蟠古梗千絲網
便說臨淵羨不妨

誰說魚苗種水喂驚鈎爭躍綠萍開祇緣箋罷詩三百
要認鑽鈔鱸鯉來

柳暗花明日影遲宵教孤負討春時紅塵無處施青眼
一笑煙波付釣絲